



GIPUZKOAKO GARRAIOAREN LURRALDE AGINTARITZAREN BARRUAN DAUDEN GIPUZKOAKO ADMINISTRAZIOEN EREMUAN BIDAIARIEN ERREPIDE BIDEZKO GARRAIO-ZERBITZU PUBLIKO ERREGULARRAK HARMONIZATZEKO ERREGELAMENDUA.

21. artikulua. Etxeko animaliak eramatea (Erregelamendu osoa ondorengo web gunean: www.mugi.eus)

Baimendutako etxeko animaliak onartuko dira ibilgailuen barruan, bakar-bakarrik, autobusen ezaugarriek hala ahalbidetzen dutenean, eta erregelamendu honetako eranskinean zehazten diren linea, geltoki eta ordutegietan.

Baimendutako animaliak garraiatzeko baldintzak, eta animalia-espezieak eta beren ezaugarriak aipatutako eranskinean adierazitakoak izango dira.

Etxeko animaliek lagunduta bidaiatzea baimenduta dagoen zerbitzuetan, nolahi ere, baldintza hauek bete beharko dira:

- a. Animaliek bidaiatu beharko dute beren ekintzen erantzulea den pertsona batek lagunduta.
- b. Animaliak, ahal dela, **kaiola edo homologatuta dagoen ontzi itxi batean eraman beharko dira**, zaintzailearen ondoko eserlekurik okupatu gabe, eta animalia-aren usainak edo egiten duen zaratak eragozpenik sortu gabe, edo, oro har, gainerako bidaiarien erosotasuna murriztu gabe. Horren inguruko eztabaida sortzen bada, gidariaren irizpidea nagusituko da.
- c. **Maletategia** duten ibilgailuetan, animaliak derrigorrez garraiatu beharko dira bertan, **kaiola edo homologatuta dagoen eta gorotza gorde eta ateratzea ahalbidetzen duen gailua** duen ontzi itxi baten barruan.
- d. Ontzietan garraiatzen ez diren zakurrek ibilgailuaren plataforman bidaiatu ahal izango dute, betiere baldintza hauek betetzen badira: animalien ezaugarriei egokitutako **uhalek batez lotuta egon behar dira**, une oro zaintzailearekin ukipen fisikoa mantendu behar dute, **muturrekoa jarrita eraman behar dute, baimendutako albaitari batek emandako osasun-txartela eta erantzukizun zibileko aseguru bat eraman behar dira**, eta indarrean dagoen legerian aurreikusitako higie- eta osasun-egoeran zein segurtasun-baldintzetan egon behar dira. Gidariak animalia-aren osasun-txartela eskatu ahal izango du, gutxieneko higie- eta osasun-baldintzak betetzen ez dituela sumatzen duenean edo animaliarekin zerikusia duen edozein eztabaida gertatzen denean.
Nolanahi ere, adierazitako osasun-txartela eta aseguru-poliza erakustea eskatu ahal izango da, pertsoneri edo ondasunei kalte eragiten dien arazoren bat gertatuz gero.
- e. Animaliek ezin izango dute inolaz ere gaueko zerbitzuetan bidaiatu, eta autobusean bustita edo araldian daudenean sartu.
- f. **Pertsona bakoitzeko animalia bat bakarrik** onartuko da.
- g. Ibilgailuan, **gehienez ere bi animalia** eraman ahal izango dira aldi berean.
- h. Animalia eramaten duena erantzulea izango da animaliak sor ditzakeen kalteen aurrean, betiere hirugarren baten edo garraio-enpresa eragilearen erantzukizuna egiaztatzen ez bada.
- i. Bidaiariren batek animalia dela-eta eragozpenak jartzen dituen unean (adibidez, erreakzio alergikoak dituelako, edo usain edo zaratagatik), eta animalia horren zaintzailea baino



lehen igo bada, animalia eta zaintzailea ibilgailuaren beste leku batera aldatzeko betebeharra izango dute.

Artikulu honetan adierazitakotik salbuetsita daude itsu-txakurrak eta laguntza-txakurrak, baldin eta eginkizun horiek betetzeko zentro homologatuek egiaztatuta badaude; hala bada, une oro bidaiatu ahal izango dute laguntzen dioten pertsonaren ondoan, eta ezargarria den araudian ezarritako baldintzetan.

II ERANSKINA Etxeko animaliak eramatea

Etxeko animalien sarrera-erregimena hiriarteko garraio publikoan honakoa da:

- Ibilgailuaren barruan sartzeko baimendutako etxeko animaliak honakoak dira: espezie eta ezaugarri guztietako **txakurrak eta katuak**, arriskutsuak izan daitezkeen animaliak izan ezik.
- Baimendutako linea, geraleku eta ordutegiak honakoak dira: guztiak
- Baimendutako animalien garraio-baldintzak Araudi honetako 21. artikuluan espresuki jasotakoak dira.

ERREGELAMENDUAREN AZALPENAK

1. Ontzian ez doazen zakurren muturrekoa

21. artikuloren arabera ontzietan eramaten ez diren zakurrek murturrekoa eraman beharko dute, nahiz eta ibilgailuaren plataforman bidaiatu ez.

- Arazoak saihesteko, ontzi kontzeptuaren interpretazio zabala egingo da, eta txakurra poltsetan, saskietan, kapazuetan eta antzekoetan sartuta eramatea onartuko da. Beraz, erabiltzaileak bi aukera izango ditu:

1. zakurra poltsan, saskian, kapazuan eta antzekoetan eraman
2. nahiz eta jabearen besoetan joan, **muturrekoa jarrita eta uhal batekin lotuta eraman.**

- Lurrean doazaen zakur guztiak uhalarekin lotuta eta muturrekoarekin igoko dira

2. Erantzukizun zibileko aseguru

Ibilgailuetara igo daitezkeen zakurrak, arriskutsuak ez direnez, ez dute aseguru poliza berezia. Jabeek erantzukizun zibileko aseguruia izatearekin nahikoa dute. Horrela izanda, nahikoa litzateke ibilgailuetara animaliarekin igo nahi dutenek etxeko aseguru-polizako estalduren artean animaliak eragin ditzakeen kalteak barne izatea.

Informazio gehiago honako web gunean: www.mugi.eus edo **Erabiltzailearentzako arreta Zerbitzuan tfno.:** 943 000 117